

Resolución do 18 de setembro de 2023 do tribunal designado para xulgar o proceso selectivo para o acceso de acceso por oposición libre e o proceso de provisión por mobilidade nos corpos da policía local de Galicia, escala básica, categoría de policía, convocados pola orde do 19 de abril de 2023 (DOG núm. 86, do 5 de maio), pola que se lle da publicidade a diversos acordos.

Na sesión que tivo lugar o día 18 de setembro de 2023, o tribunal nomeado pola Resolución do 18 de xullo de 2023 (DOG núm. 142, do 27 de xullo), de conformidade coas bases da convocatoria adoptou os seguintes acordos:

1. Informar da constitución válida e legal deste tribunal con data 4 de agosto de 2023.

CUESTIÓNS XERAIS ESTABLECIDAS NAS BASES DA CONVOCATORIA

2. O primeiro exercicio do proceso de acceso por oposición libre levarase a cabo o día **23 de setembro de 2023 no Pavillón nº 2 do Recinto Feiral de Silleda ás 10:00 horas en chamamento único.** *(esta data xa foi anunciada con data 21 de agosto, no DOG número 157, coa publicación da listaxe definitiva de persoas admitidas e excluídas neste proceso)*

Este exercicio consistirá nunha proba de avaliación de coñecementos tipo test con 100 preguntas e catro respostas alternativas, propostas por este tribunal, das cales só unha delas é correcta.

Este Tribunal acordou incluír no cuestionario, un total de 10 preguntas de reserva, que no suposto que se anule algunha das cuestións da proba de coñecementos, teranse en conta e puntuaranse igual que as do resto do exercicio.

A proba terá unha duración de 120 minutos, e non se concederá tempo a maiores.

As persoas aspirantes deberán cumprir as seguintes regras:



- Deberán ir provistas de:
 - a) DNI ou documento fidedigno que acredite a súa identidade.
 - b) Lapis número 2, goma de borrar
 - c) Bolígrafo (só para quen deba realizar o segundo exercicio)

- Non está permitido o acceso ao recinto onde se vai a desenvolver o exercicio con teléfonos móbiles, reloxos intelixentes, axendas electrónicas ou calquera outro material ou instrumento de que se poida valer a persoa aspirante para auxiliarse na realización do exercicio.

- Non se habilitará ningún servizo para a súa recollida ou depósito de teléfonos móbiles nin calquera outro material e/ou instrumentos.

- Poderase abandonar o lugar de realización da proba unha vez rematada a mesma, agás nos primeiros e nos derradeiros 30 minutos do tempo establecido, sempre e cando sexa autorizado polo persoal de organización seguindo as indicacións do tribunal.

- Durante a realización do exercicio deberán manter en todo momento visibles os pavillóns auditivos e que non se permite o uso de prendas de cabeza.

- As portas de chamamento están publicadas na páxina web da Agasp, e cada persoa aspirante será chamada unha soa vez na porta que lle corresponda de conformidade con este documento.
https://agasp.xunta.gal/sites/w_agasp/files/procesos/2023/09/portas.pdf

- O chamamento establécese ás 10:00 horas da mañá e as persoas aspirantes que non comparezan ao chamamento entenderanse decaídas no seu dereito a continuar no proceso selectivo.

- Rematado o exercicio por tódalas persoas aspirantes, publicarase na páxina web da Agasp (<https://agasp.xunta.gal>) o enunciado e o cadro de respostas correctas do exame tipo test e o enunciado da proba de coñecemento da lingua galega.



Concedéranse dous días (24 e 25 de setembro) para presentar alegacións as preguntas do cuestionario. As alegacións remitiranse a dirección de correo electrónico seguinte: seleccion.agasp@xunta.gal, indicando nome, apelidos, número do DNI e a cuestión que se impugna co motivo. Non se terán en conta as alegacións que non se axusten ao establecido neste punto.

3. SEGUNDO EJERCICIO. PROBA DE COÑECEMENTOS DA LINGUA GALEGA

O segundo exercicio do proceso selectivo, correspondente a avaliación de coñecementos da lingua galega, realizarase a continuación da proba de coñecementos.

Consistirá na tradución dun texto do castelán ao galego e outro do galego ao castelán e terá unha duración máxima dunha hora.

4. DETERMINACIÓN DE SUPERACIÓN DA PROBA E NÚMERO DE PERSOAS APROBADAS

A proba será cualificada de cero a dez puntos e será preciso acadar cinco puntos como mínimo.

A cualificación farase atendendo á seguinte fórmula:

$$N=(A-F/3)/10$$

Onde N= nota final da proba; A=cuestións acertadas; F=cuestións erradas ou non contestadas

Así:

- a) Cada resposta correcta equivale a unha unidade de puntuación
- b) Cada resposta incorrecta ou non contestada, descontará un terzo dunha pregunta correcta.

Serán convocadas a realización do terceiro exercicio (probos físicos) as 300 persoas aspirantes que resulten aprobadas con mellor cualificación na proba de avaliación de coñecementos, sempre que superaran o exercicio de acordo co establecido nas bases



da convocatoria e sexan aptas na proba de coñecementos da lingua galega ou estean exentas da súa realización.

Todas aquelas persoas aspirantes con idéntica puntuación a aquela que marque a 300 mellor cualificación na proba de coñecementos, serán convocadas igualmente á realización do terceiro exercicio.

A Estrada, asinado dixitalmente

A presidenta do Tribunal

Paula Cajaraville Leiro

